

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet 8, telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizija-bd.ba

**Broj: 01-02-03-13-280/15
R: 04-04; 09-04; 010-04/15**

**IZVJEŠTAJ O REVIZIJI FINANSIJSKOG POSLOVANJA
ODJELJENJA ZA PROSTORNO PLANIRANJE
I IMOVINSKOPRAVNE POSLOVE
za period 01.01. - 31.12.2014. godine**

Brčko, juli 2015. godine

SADRŽAJ

NEZAVISNO REVIZORSKO MIŠLJENJE	3
REZIME DATIH PREPORUKA	5
1. UVOD.....	5
2. OPŠTI DIO.....	5
3. PREDMET, CILJ I OBIM REVIZIJE.....	6
4. OSVRT NA NALAZE I PREPORUKE PRETHODNE REVIZIJE.....	6
5. NALAZI I PREPORUKE	6
5.1. <i>Rukovodstvo i sistem internih kontrola.....</i>	6
5.2. <i>Planiranje i izvršenje tekućih izdataka budžeta</i>	7
5.3. <i>Planiranje i izvršenje budžeta kapitalnih potreba</i>	9
5.4. <i>Ostvarenje prihoda</i>	9
6. KOMENTAR.....	10
PRILOZI.....	11

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



*Islahijet 8, telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizori-bdbih.ba*

MENADŽMENTU ODJELJENJA ZA PROSTORNO PLANIRANJE I IMOVINSKOPRAVNE POSLOVE

NEZAVISNO REVIZORSKO MIŠLJENJE

Predmet

Izvršili smo reviziju finansijskog poslovanja Odjeljenja za prostorno planiranje i imovinskopravne poslove (u daljem tekstu: Odjeljenje) za period 01.01.- 31.12.2014. godine, te reviziju usklađenosti poslovanja sa važećim zakonskim i drugim relevantnim propisima.

Odgovornost rukovodstva

Šef Odjeljenja je odgovoran za finansijsko poslovanje Odjeljenja i usklađenost poslovanja iz svoje nadležnosti sa važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih grešaka u finansijskom poslovanju kao primjerenost i ponašanje revidiranog Odjeljenja nad sredstvima i imovinom koja mu je data na upravljanje.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH ("Službeni glasnik Brčko distrikta BiH", broj: 40/08 i 29/14) i primjenjivim okvirom Međunarodnih standarda vrhovnih revizijskih institucija – ISSAI („Službeni glasnik Brčko distrikta BiH“, broj: 3/15). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno

značajne greške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta i izvršavanje poslova iz svoje nadležnosti. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, u cilju osmišljavanja revizorskih postupaka koji su odgovarajući u datim okolnostima i zadovoljavaju standarde revizije.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju u finansijskom poslovanju Odjeljenja u periodu 1. 1. - 31. 12. 2014. godine, nema značajnih neusaglašenosti s važećim zakonskim propisima kao i planiranim pozicijama budžeta.

Zamjenici glavnog revizora

Amra Ilić, dipl. oec.

mr. sci. Savo Grujić, dipl. oec.

Glavni revizor

Nekir Suljagić, dipl. oec.

REZIME DATIH PREPORUKA

Izvršenom revizijom finansijskog poslovanja Odjeljenja za 2014. godinu konstatovali smo određeni broj propusta i nepravilnosti, a u cilju otklanjanja istih, dali smo slijedeće preporuke:

Odjeljenje treba poštovati rokove propisane Uputstvom o radu popisnih komisija i obavljanju popisa, sredstava, potraživanja i obaveza.

Potrebno je dinamiku tekućeg budžeta uskladiti sa izvršenjem budžeta, uz obrazloženje odstupanja od planiranog tekućeg budžeta.

Potrebno je isplate naknada za rad u komisijama, vršiti shodno načelima efikasnosti i ekonomičnosti.

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA ODJELJENJA ZA PROSTORNO PLANIRANJE I IMOVINSKOPRAVNE POSLOVE ZA 2014. GODINU

1. UVOD

Obavili smo reviziju finansijskog poslovanja Odjeljenja za 2014. godinu na osnovu ovlaštenja u skladu sa Zakonom o reviziji javne uprave i institucija u Brčko distriktu BiH i drugim relevantnim propisima na osnovu Godišnjeg plana revizija. Revizija je, primjenom adekvatnih metoda, obavljena u periodu april - juni 2015. godine

2. OPĆI DIO

Odjeljenje je, shodno odredbama Statuta Brčko distrikta BiH, Zakona o javnoj upravi i Organizacionog plana Vlade Brčko distrikta BiH, nadležno za: prostorno i urbanističko planiranje, izdavanje urbanističkih saglasnosti, izvoda i drugih akata iz nadležnosti Odjeljenja, zaštitu životne sredine i ekološke dozvole, legalizaciju bespravno izgrađenih objekata, imovinskopravne poslove, oblast zaštite objekata kulturno i istorijskog značaja i prirodnog nasljeđa sa aspekta izdavanja urbanističke saglasnosti i utvrđivanja procedure za listu zaštićenih objekata i druge poslove iz nadležnosti Odjeljenja određene zakonom i drugim propisima.

Unutrašnja organizacija Odjeljenja je utvrđena Organizacionim planom, a u cilju ostvarenja zakonitog, efikasnog, blagovremenog i ekonomičnog izvršavanja svih poslova iz nadležnosti Odjeljenja, postizanja potpune zaposlenosti, maksimalnog korištenja stručnih kvalifikacija i znanja zaposlenika, potpune odgovornosti zaposlenika i efikasnog rukovođenja, sistematskog unapređenja rada i saradnje sa drugim organima.

Odjeljenje se sastoji od slijedećih organizacionih dijelova:

- Pododjeljenja za prostorno planiranje, urbanizam i zaštitu okoline, u čijem sastavu su dvije službe i to: Služba za prostorno planiranje, urbanizam i zaštitu okoline i Služba za legalizaciju bespravno izgrađenih građevina i
- Pododjeljena za imovinskopravne poslove.

3. PREDMET, CILJ I OBIM REVIZIJE

Predmet revizije je finansijsko poslovanje u 2014. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja iz svoje nadležnosti sa zakonskim i drugim relevantnim propisima.

Cilj revizije finansijskog poslovanja Odjeljenja je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa zakonskim važećim propisima kao i primjerenog ponašanja rukovodioca Odjeljenja nad sredstvima i imovinom Brčko distrikta BiH. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Obim revizije je utvrđen internim planskim dokumentima revizije finansijskog poslovanja za 2014. godinu.

Obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I PREPORUKE PRETHODNE REVIZIJE

Na osnovu preporuka iz Izvještaja o obavljenoj reviziji finansijskog poslovanja za period 01.01.-31.12.2013. godine, Odjeljenje je, u cilju realizacije preporuka usvojilo Akcioni plan broj: 13-0017645/14 od 11.07.2014. godine.

Odjeljenje nije realizovalo preporuke iz Izvještaja o obavljenoj reviziji finansijskog poslovanja za period 01.01.-31.12.2013. godine, u dijelu:

- dosljednog poštovanja rokova propisanih Uputstvom o radu popisnih komisija i obavljanju popisa, sredstava, potraživanja i obaveza,
- blagovremenog oslobađanja viška sredstva, na pozicije i aktivnosti za koje je izvjesnije ostvarenje.

5. NALAZI I PREPORUKE

5.1. Rukovodstvo i sistem internih kontrola

Revizija obuhvata ocjenu sistema internih kontrola, sa naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja iz svoje nadležnosti sa zakonskim i podzakonskim aktima.

Izvršili smo procjenu uspostavljanja, funkcionisanja i nadzora sistema internih kontrola na osnovu provedene revizije značajnih procesa poslovanja.

Nedostatak interne kontrole uočen je kod nepoštovanja roka za predaju Izvještaja o izvršenom popisu sredstava, potraživanja i obaveza, propisanog članom 7 Uputstva o radu popisnih komisija i obavljanju popisa, sredstava, potraživanja i obaveza.

Navedenim Uputstvom propisani rok za predaju popisa je najkasnije do 15.01. naredne godine, a Odjeljenje je iste predalo Centralnoj popisnoj komisiji 23.01.2015. godine.

Odjeljenje treba poštovati rokove propisane Uputstvom o radu popisnih komisija i obavljanju popisa, sredstava, potraživanja i obaveza.

5.2. Planiranje i izvršenje tekućih izdataka budžeta

Tekući budžet Odjeljenja za 2014. godinu planiran je u iznosu od **1.735.063,70 KM**, a realizovan je u iznosu od **1.416.726,25 KM**, odnosno **81,65 %** od plana (Tabela 1).

Realizacija odobrenog tekućeg budžeta, u okviru izdataka za materijal i usluge nije se odvijala po planu, i to na pozicijama: Naknada troškova zaposlenih i skupštinskih zastupnika 79,89%, putni troškovi 33,92 %, nabavka materijala i sitnog inventara 72,83 %, i ugovorene usluge 24,92 %, što je prikazano u tabeli broj 1 koja se nalazi u prilogu.

Najveći uticaj na odstupanje izvršenja od planiranog budžeta imala je niska realizacija budžeta na poziciji ugovorenih usluga.

Izvršenje tekućeg budžeta je manje u odnosu na planirani budžet, te samim tim kvartalni i operativni planovi nisu usklađivani sa izvršenjem budžeta.

Potrebno je dinamiku tekućeg budžeta uskladiti sa izvršenjem budžeta, uz obrazloženje odstupanja od planiranog tekućeg budžeta.

Bruto plate su planirane u iznosu od 1.230.246,60 KM, a ostvarene u iznosu od 1.196.685,73 KM ili 97,27 % planiranih sredstava.

Bruto plate i naknade su planirane za 49 zaposlenika. Broj zaposlenih se tokom godine smanjivao zbog odlaska dijela zaposlenika u penziju, kao i zbog toga što tokom godine nisu raspisivani konkursi za popunu planiranih radnih mjesta, tako da je na dan 31.12.2014. godine bilo 43 zaposlenika.

Naknade troškova zaposlenih i skupštinskih zastupnika, planirane su u iznosu od 74.708,90 KM, a realizovane su u iznosu od 59.685,57 KM ili 79,89 % od planiranog iznosa. Ovi izdaci odnose se na isplate: naknade članovima komisije za utvrđivanje iznosa naknade u postupku eksproprijacije nekretnina u iznosu od 41.290,33 KM, otpremninu zbog odlaska u penziju za šefa Službe za legalizaciju bespravno izgrađenih građevina u iznosu od 7.470,84 KM, prelazne novčane naknade u iznosu od 9.637,90 i pomoć zaposlenima u slučaju smrti srodnika u iznosu od 1.286,50 KM.

Naknade za privremene i povremene poslove su isplaćene u iznosu od 41.290,33 KM i odnose se na rad u Komisiji za utvrđivanje iznosa naknade u postupku eksproprijacije nekretnina. U odnosu na planirana sredstva isplaćeno je za 17% manje sredstava, zbog donošenja Zakona o državnoj službi kojim je iznos mjesečne naknade, od aprila 2014. godine, smanjen sa 20% na 10% prosječne plate zaposlenih u organima uprave Brčko distrikta BiH.

Naknada se isplaćuje mjesečno na osnovu Odluke o imenovanju broj: 05-000785/14 od 21.07.2014. godine, te Odluke o radu van radnog vremena broj: 33-000910/14 od 29.04.2014., 23.05.2014. i 26.09.2014. godine, koje je donio gradonačelnik.

Komisiju čini 14 članova uposlenika Vladinih odjeljenja (predsjednik, zamjenik predsjednika i članovi komisije iz različitih struka). Odlukom je regulisan rad i zadatak komisije. Visina naknade za rad u komisiji je regulisana Odlukom o radu van radnog vremena komisije i iznosi 10% od prosječne plate zaposlenih u organima javne uprave Brčko distrikta BiH.

Odluka nije dovoljno definisala obim posla koji treba da obavi predsjednik, odnosno zamjenik predsjednika Komisije, kako bi imao pravo na naknadu od 10 % prosječne plate, tj. koliko zahtjeva je potrebno obraditi, te da li ih obrađuju istovremeno oba (zajednički) ili mijenjaju jedan drugog.

Smatramo, da navedena Odluka nije precizno definisala obim zahtjeva koje treba obraditi, neophodnost učešća predsjednika i zamjenika predsjednika istovremeno, kao i vrednovanje naknade srazmjerno kvantitetu, odnosno broju učinjenih procjena.

Nismo se uvjerali da je isplata izvršena u skladu sa načelima efikasnosti i ekonomičnosti, a što je suprotno članu 3 stav 3 Zakona o budžetu Brčko distrikta BiH, odnosno članu 10 stav 2 Zakona o izvršenju budžeta Brčko distrikta BiH za 2014. godinu.

Potrebno je isplate naknada za rad u komisijama, vršiti u skladu sa Zakonom o budžetu, uz poštovanje načela efikasnosti i ekonomičnosti.

Izdaci za materijal i usluge, planirani su u iznosu od 402.331,50 KM, a realizovani su u iznosu od 133.305,49 KM ili 33,13% od planiranog iznosa, od čega se na putne troškove odnosi 5.512,32 KM (33,92%), izdatke za energiju 3.878,35 KM (89,16%), izdatke za komunalne usluge 3.022,32 KM (92,99%), nabavka materijala i sitnog inventar 9.831,86 KM (72,73%), izdatke za usluge prevoza i goriva 9.034,90 KM (93,14%), izdatke za tekuće održavanje 13.286,91 KM (88,58%), izdatke za osiguranja i bankarske usluge 5.316,93 KM (96,67%) i ugovorene usluge 83.421,90 KM (24,92%).

Ugovorene usluge planirane su u iznosu 334.781,50 KM, a realizovane su u iznosu od 83.421,90 KM ili 24,92% plana i odnose se na slijedeće: usluge medija u iznosu 1.038,96 KM, usluge reprezentacije u iznosu 7.041,95 KM, izdaci za stručnu literaturu u iznosu 349,00 KM, usluge stručnog obrazovanja u iznosu od 2.210,06 KM, izdaci za stručne ispite u iznosu od 880,00 KM, oglasi u iznosu od 1.065,34 KM, usluge po osnovu ugovora o djelu u iznosu od 2.460,75 KM, ostale nespomenute usluge i dadžbine (troškovi postupka u procesu eksproprijacije) u iznosu od 559,56 KM, usluge čišćenja i održavanja u iznosu 1.208,91 KM, cvjetni aranžmani u iznosu od 285,00 KM, izrada

promotivnog materijala za svjetski dan planete u iznosu od 145,00 KM, izrada elaborata (prijedloga Akcionog plana energetske održivosti - SEAP) u iznosu od 19.816,87 KM, izdaci za regulacione planove (izrada prednacrti i nacrti za pet regulacionih planova i to: Bosnoplod, Brčko Novo, Dubrave, Ficibajer i Bijela) u ukupnom iznosu od 40.879,30 KM.

Nizak procenat izvršenja ugovorenih usluga, rezultat je činjenice da u strukturi planiranih rashoda na ovoj poziciji najveći iznos od 130.759,00 KM čini izrada regulacionih planova započeti u ranijem periodu za koje se čeka usvajanje na Skupštini. Osim navedenog, Odjeljenje je provelo proceduru javne nabavke za devet regulacionih planova za koje su planirana sredstva u iznosu od 89.285,50 KM. Navedene aktivnosti nisu okončane do kraja 2014. godine, te je stoga ostalo neutrošeno više od 50% planiranih sredstava.

Za usluge izrade prijedloga Akcionog plana energetske održivosti (SEAP) planirana su sredstva u iznosu od 40.000,00 KM, a realizovana su u iznosu od 19.816,87 KM. Ostatak sredstava, po odredbama ugovora, bi trebao biti isplaćen u roku od 20 dana po usvajanju finalnog dokumenta na Skupštini Brčko distrikta BiH.

5.3. Planiranje i izvršenje budžeta kapitalnih potreba

Planirana sredstva budžeta kapitalnih potreba za period 2012.-2014.godine, iznose 6.411.844,56 KM, a sa 31.12.2014. godine ostvarena su u iznosu od 5.312.568,24 KM ili 82,86 % planiranih sredstava (tabela broj 2 u prilogu).

Ukupno realizovana sredstva kapitalnog budžeta u periodu od 01.01. – 31.12.2014. godine iznose 1.384.435,91 KM i odnose se na: na eksproprijaciju zemljišta za potrebe izgradnje obilaznice u iznosu od 643.069,56 KM, rekonstrukcije Ulice Uzunovića u iznosu od 245.500,80 KM, ostale eksproprijacije u iznosu 485.787,17 KM i nabavka opreme u iznosu od 10.078,38 KM.

Planirana sredstva za kapitalne projekte za 2014. godinu iznose 1.286.500,00 KM, od čega je realizovano 221.556,95 KM i odnosi se na eksproprijaciju zemljišta.

5.4. Ostvarenje prihoda

Planirani prihodi za 2014. godinu iznose 195.000,00 KM, a realizovani su u iznosu od 228.024,05 KM, ili 116 % (tabela broj 3 u prilogu).

Najveći dio prihoda Odjeljenje stiže od prodaje prava građenja i naknada za uređenje građevinskog zemljišta u procesu legalizacije bespravno izgrađenih građevina.

Naplata prihoda, tokom godine, je bila veća u odnosu na prvobitni plan, zbog čega je Odjeljenje pripremilo amandman na budžet Distrikta za 2014. godinu. Nakon izvršenog rebalansa budžeta planirani prihodi su uvećani za 109.000,00 KM, te su iznosili ukupno 195.000,00 KM. Povećanje prihoda, u odnosu na plan, uslijedilo je zbog toga što je većina lica zaključila ugovore o osnivanju i prodaji prava građenja u procesu legalizacije bespravno izgrađenih objekata sa klauzulom o obročnom plaćanju na 24 mjeseca, obaveze izmirivala prije isteka roka, a prvobitni plan je sačinjen na osnovu ugovorene dinamike naplate.

Odjeljenje je tokom 2014. godine ustrojilo evidencije na osnovu koje se vrši praćenje potraživanja, a za lica koja kasne sa plaćanjem, u saradnji sa Direkcijom za finansije, vrši se naplata kamata.

6. KOMENTAR

Odjeljenju je dostavljen Nacrt Izvještaja o reviziji finansijskog poslovanja za 2014. godinu broj:01-02-03-13-234/15 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Odjeljenje se očitovalo dopisom broj: 13-001762/15 od 22. 6. 2015. godine. U navedenom očitovanju nisu navedene primjedbe na nalaze sadržane u Nacrtu izvještaja, te je ovaj Izvještaj konačan.

Tim za reviziju

Envera Imamović, dipl. oec.

Began Čaušević, dipl. oec.

Tatjana Pavlović-Klašnić, dipl. iur.

PRILOZI

Struktura planiranih i izvršenih tekućih izdataka po pozicijama 2014. godine

Tabela broj 1

R. br.	Šifra ekonomskog koda	Naziv ekonomskog koda	Realizovani budžet u 2013. godini	Planirani iznos 2014.	Realizovani iznos 2014.	Indeks u odnosu na plan (6/5)x100	Indeks u odnosu na prethodnu godinu (6/4)x100
1	2	3	4	5	6	7	8
1	611100	Bruto plate	1.294.237,25	1.230.246,60	1.196.685,73	97,27	92,46
2	611200	Naknade troškova zaposlenih	71.018,70	74.708,90	59.685,57	79,89	84,04
3	611000	Bruto plate i naknade (1+2)	1.365.255,95	1.304.955,50	1.256.371,73	96,28	92,02
4	612100	Doprinosi poslodavca i ostali doprinosi	29.951,79	27.781,70	27.049,46	97,36	90,31
5	613100	Putni troškovi	8.342,17	16.250,00	5.512,32	33,13	66,08
6	613200	Izdaci za energiju	4.255,29	4.350,00	3.878,35	89,16	91,14
7	613300	Izdaci za komunalne usluge	3.726,84	3.250,00	3.022,32	92,99	81,10
8	613400	Nabavka materijala i sitnog inventara	12.444,60	13.500,00	9.831,86	72,73	79,01
9	613500	Izdaci za usluge prevoza i goriva	7.859,48	9.700,00	9.034,90	93,14	114,96
10	613700	Izdaci za tekuće održavanje	26.196,01	15.000,00	13.286,91	88,58	50,72
11	613800	Izdaci osig., bank. usluga i pl. prometa	5.277,45	5.500,00	5.316,93	96,67	100,75
12	613900	Ugovorene usluge	30.624,45	334.781,50	83.421,90	24,92	272,40
13	613000	Izdaci za materijal i usluge (5+..+13)	98.726,29	402.331,50	133.305,49	33,13	135,03
14	Ukupno tekući budžet (3+4+13)		1.493.934,03	1.735.068,70	1.416.726,25	81,65	94,83

Pregled planiranih i ostvarenih kapitalnih izdataka

Tabela broj 2

God.	Planirani kapitalni budžet	Izvršenje kapitalnog budžeta do 01.01.2014.god	Izvršenje kapitalnog budžeta u 2014. god.	Izvršeno na dan 31.12.2014. god. (3+4)	Neurošena planirana sredstava na dan 31.12.2014. god. (2-5)	% izvršenja na dan 31.12.2014 . god. (5/2 x 100)
1	2	3	4	5	6	7
2012.	3.443.170,2 2	2.755.798,25	653.147,94	3.408.946,1 9	34.224,03	99,01
2013.	1.682.174,3 4	1.172.334,08	509.731,02	1.682.065,1 2	109,24	99,99
2014.	1.286.500,0 0	0	221.556,95	221.556,95	1.064.943,0 5	17,22
Ukupno:	6.411.844,5 6	3.928.132,33	1.384.435,9 1	5.312.568,2 4	1.099.276,3 2	82,86

Prikaz planiranih i ostvarenih prihoda po vrstama

Tabela broj 3

R. br.	OPIS	Izvršenje 01.01.-31.12. 2013. god.	Plan 2014.	Izvršenje 01.01.- 31.12.2014. god.	Procent izvršenja	
					5/3	5/4
1	2	3	4	5	6	7
1.	721 132 – Prihodi od izdatih sanitarnih saglasnosti i zaštite na radu i pregled vozila	340,00	500,00	560,00	165	112
2.	721 234 – Prihodi od prodaje prava građenja u postupku legalizacije bespravno izgrađenih građevina	442.796,79	100.000,00	132.243,89	30	132
3.	722121 – Taksa za izdavanje građevinskih dozvola	-	200,00	170,00	-	85
4.	722122 – Taksa za izdavanje lokacijskih uslova	5.837,17	5.000,00	6.210,00	106	124
5.	722128 – Taksa za izdato odobrenje za legalizaciju bespravno izgrađenih građevina	675,00	600,00	495,00	73	83
6.	722135 – Ostale administrativne takse	4.839,60	2.000,00	1.240,00	26	62
7.	722 151 – Taksa za izdavanje protivpožarnih saglasnosti na projektnu dokumentaciju	80,00	200,00	140,00	175	70
8.	722 322 – Komunalne takse za legalizaciju bespravno izgrađenih građevina	1.490,00	1.800,00	1.070,00	72	59
9.	722 427 – Naknada za uređenje građevinskog zemljišta u procesu legalizacije bespravno izgrađenih građevina	101.234,31	83.700,00	84.390,41	83	101
10.	722 653 – Prihodi od izdatih putnih saglasnosti	1.670,00	1.000,00	1.395,00	84	140
11.	722 791 – Ostale neplanirane uplate	6.758,78	-	-	-	-
12.	722675 – Prihodi od naplaćenih kamata			109,75	-	-
	UKUPNO	565.721,65	195.000,00	228.024,05	40	117